

আন্তর্জাতিক

ঘূর্ণিঝড় বাভির তাণ্ডে পূর্ব চীন বিপর্যস্ত, তাইওয়ানে আহত ১৩৪



প্রতিবেদক: Dhaka Probe

প্রকাশের তারিখ: রোববার, ১২ জুলাই ২০২৬, ০৯:৫০ AM



ঝড়ে ইউয়েচিং শহরে ১ হাজার ৩০০টিরও বেশি গাছ ভেঙে পড়ে।

চলতি বছরের সবচেয়ে শক্তিশালী ঘূর্ণিঝড় বাভি পূর্ব চীনের উপকূলে আঘাত হানার পর ব্যাপক ক্ষয়ক্ষতির সৃষ্টি করেছে। ঝড়ের প্রভাবে তাইওয়ানে অন্তত ১৩৪ জন আহত হয়েছেন। তবে সেখানে কোনো প্রাণহানির খবর পাওয়া যায়নি। নিরাপত্তার স্বার্থে প্রায় ২০ লাখ মানুষকে নিরাপদ স্থানে সরিয়ে নেওয়া হয়েছে।

রোববার (১২ জুলাই) সকালে ঝড়টি দুর্বল হয়ে গ্রীষ্মমণ্ডলীয় ঝড়ে পরিণত হলেও আবহাওয়াবিদরা সতর্ক করেছেন, ফ্রান্সের আয়তনের সমান এই বিশাল ঝড়ব্যবস্থা পূর্ব ও উত্তর চীনের বিস্তীর্ণ এলাকায় দীর্ঘস্থায়ী ভারী বৃষ্টিপাত ঘটাতে পারে।

শনিবার রাত ১১টা ২০ মিনিটে ঝড়টি প্রথমে ঝেজিয়াংয়ের উপকূলীয় শহর ইউহুয়ানে আঘাত হানে। এরপর মধ্যরাতের দিকে ওয়েনঝৌ শহরের ইউয়েচিং এলাকায় দ্বিতীয়বার স্থলভাগে প্রবেশ করে।

চীনের রাষ্ট্রায়ত্ত্ব সম্প্রচারমাধ্যম সিসিটিভির তথ্যমতে, ইউয়েচিং শহরে ১ হাজার ৩০০টিরও বেশি গাছ ভেঙে পড়ে, যার মধ্যে ৭০০টির বেশি গাছ সম্পূর্ণ উপড়ে যায়। শহরের বিভিন্ন এলাকায় জলাবদ্ধতা সৃষ্টি হয়। এছাড়া শহরের উত্তরাঞ্চলের পাহাড়ি এলাকায় ভূমিধসের ঘটনায় বড় বড় পাথর সড়কে গড়িয়ে পড়ে।

চীনে প্রবেশের আগে শনিবার ঘূর্ণিঝড় বাতি তাইওয়ানের উত্তর দিক দিয়ে অতিক্রম করে। এতে দ্বীপজুড়ে প্রবল বাতাস ও ভারী বৃষ্টিপাত হয়। উত্তরাঞ্চলের মিয়াওলি কাউন্টির একটি এলাকায় প্রায় ৮০ সেন্টিমিটার বৃষ্টিপাত রেকর্ড করা হয়েছে।

তাইওয়ানের দমকল বিভাগ জানিয়েছে, ঝড়ের সময় মোটরসাইকেল থেকে পড়ে যাওয়া, পা পিছলে পড়া এবং বিভিন্ন বস্তুর আঘাতে অন্তত ১৩৪ জন আহত হয়েছেন। দেশটির পরিবহণ মন্ত্রণালয় জানায়, রোববার ১৩৭টি আন্তর্জাতিক ও ৬২টি অভ্যন্তরীণ ফ্লাইট বাতিল করা হয়েছে। পরিস্থিতি মোকাবিলায় জরুরি সেবাকর্মীরা ক্ষতিগ্রস্ত এলাকায় উদ্ধার ও পরিষ্কার-পরিচ্ছন্নতার কাজ চালিয়ে যাচ্ছেন।

সূত্র: রয়টার্স

এ বিভাগের আরও খবর



আগামী সপ্তাহে ইরানের বিদ্যুৎকেন্দ্র ও সেতুতে হামলার হুমকি ট্রাম্পের
যুক্তরাষ্ট্রের প্রেসিডেন্ট ডোনাল্ড ট্রাম্প বলেছেন, তেহরান সমঝোতার পথে না এলে আগামী সপ্তাহে ইরানের বিদ্যুৎকেন্দ্র ও সেতুগুলোতে যুক্তরাষ্ট্রের...



বীজ বিক্রেতা থেকে যেভাবে বিশ্বসেরা কফি ব্র্যান্ড হলো স্টারবাকস
সময়টা ১৯৮৩ সাল। স্টারবাকস তখন কেবল কফির বীজ বিক্রির একটি সাধারণ প্রতিষ্ঠান। আর হাওয়ার্ড শুল্টজ ছিলেন সেই কোম্পানির মার্কেটিং ডিরেক্টর। ব্যব...



যৌন নিপীড়নের দায়ে অবশেষে ৫৬ লাখ ডলার জরিমানা দিলেন ট্রাম্প
মার্কিন প্রেসিডেন্ট ডোনাল্ড ট্রাম্প অবশেষে লেখক ও সাবেক কলামিস্ট ই. জিন ক্যারলকে যৌন নিপীড়ন ও মানহানি মামলায় আদালতের নির্দেশ অনুযায়ী ৫৬ লাখ...



মার্কিন হামলায় ইরানে নিহত ৩০
ইরানের দক্ষিণাঞ্চলে সাম্প্রতিক মার্কিন হামলায় ৩০ জনেরও বেশি বেসামরিক নাগরিক নিহত হয়েছেন বলে দাবি করেছে তেহরান। বুধবার দেশটির সরকারি মুখপাত্র...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/international/ghurnijhd-babhir-tandbe-purb-chin-biprjst-taiojane-aht-134>